

Yn Kiare as Feed Shendeeagh (The Old House of Keys), Yn Thie–Tashtee Lhuingey (The Nautical Museum), Yn Çhenn Scoill Ghryammeydys (The Old Grammar School)



Yn Kiare as Feed Shendeeagh

Va'n Kiare as Feed shendeeagh troggal feer scanshoil ayns shennaghys politickagh vanninagh, voish ny 9oo as 10 oo eashyn, traa va ny Reeaghyn Loghlynee ny fir–reill ayns Mannin. Eisht ghow ad toshiaght ymmyd y yannoo jeh myr shoh as shid: myr banc, myr oik son ny barrantee ayns Balley Cashtal, myr liorlan çheerey. Eisht va'n thie follym son bunnys 20 bleeaney. Haink y thie fo Thie–tashtee Vannin as y Treisht Ashoonagh 'sy vlein 2000, as ghow eh shoh ayns laue yn thie y choyrt er–ash myr v'eh ayns 1866, as e hennaghys y hoilshaghey. Va'n blein 1866 feer scanshoil ayns shennaghys Vannin, er y fa dy row shen yn toshiaght jeh deynlaght jeianagh. Lurg shen va'n sleih reih ny olteynyn jeh'n Kiare as Feed.

Sthie 'sy thie oddys keayrtee teiy y cheau mychione cooishyn va scanshoil ayns shennaghys vanninagh, as mychione cooishyn elley. Ta shen soilshaghey kys hie deynlaght gys Mannin, as y eirtys er yn ashoon manninagh. Ny keayrtyl va cooishyn reaghit ayns yn Ellan roish va'd reaghit ayns Sostyn.

Er–coontey jeh'n obbyr va goit ayns laue, va'n troggal lowit dy aa–chosney e henn–ghloyr. Ta'n Thie shoh currit er–ash nish; ayns shoh oddys ny keayrtee gysaghey mychione politickaght ayns Mannin.

She ynnyd scanshoil eh ayns 'Skeal Vannin'. Oddys shiu shilley y chur er buill elley as ad scanshoil ayns y vea politickagh vanninagh, myr Cronk Keeill Eoin, Balley Keeill Eoin, Cashtal Rushen as Cashtal Phurt ny h–Inshey, my sailliu.

Yn Thie–Tashtee Lhuingey

Ta'n Thie–Tashtee Lhuingey soit rish y phurt ayns Balley Chashtal. Hie birling eillit, er–ennym y 'Peggy', er feddyn çheusthie jeh voallaghyn sellar–baatey 'sy vleïn 1935. Ta'n sellar as y baatey çheet hooïn veih'n 18° cheead–bleïn. Va'n baatey troggit son George Quayle 'sy vleïn 1791. Erreish da shellooder y vaatey v'er ngeddyn baase, va'n birling keillit cooyl voallaghyn rish keead bleïn. Ren slughtagh lught–thie yn çhellooder y sellar as y baatey y chur da Eiraght Ashoonagh Vannin. Ayns Rolley ny Shenn Lhongyn Ashoonagh foddee shiu lhaih dy vel y baatey chammah's y sellar feer scanshoil ayns y çhennaghys lhuingey.

Ta'n thie–baatey erskyn y tellar soilshaghey ambee Vainshter Quayle as ny cooishyn v'eh goaill taitnys ayndaue. Ta pannylyn keillit ayns ny voallaghyn, cooylaghyn–troggal as nheeghyn seyrnagh springeragh elley ayn. Ta macsoylley jeh cabbane–jerree ayn neesht, yn sorçh va ry–akin er lhong–chaggee veih earish yn Ardmarragh Çhiarn Nelson. Ta'n lout er ve aa–hroggit myr shamyr–obbyr jeantagh– shiaull. Er y laare eeastagh hee shiu sambil jeh baatyn, cullee as co–chaslyssyn sollys ta soilshaghey cre cho trome–chooishagh va'n eeastaght.

Yn Çhenn Scoill Ghryammeydys

Hie yn troggal beg eayllit shoh er troggal dy hirveish ny cummaltee ynnydaghy shey cheead–bleïn dy lieh er dy henney. Ta'n vea oc er chaghlaa car ny bleeanntyn. Va Cashtal Rushen, ta ny hoie er–gerrey da, laare lajer Reeaghyn Vannin as ny h–Ellanyn as adsyn nyn Loghlynnee. Va'n troggal beg shoh yn chield cheeill jeh'n valley nyn gour ocsyn va baghey faggys da'n chashtal. Ta ard ayns y troggal yn troggal shinney er yn Ellan as mullagh foast er. Dy jarroo, t'eh ny shinney na troggal erbee elley agh son ny troggallyn shinney 'sy chashtal hene.

Va ymyyd jeant jeh Cabbal Voirrey myrgheddin myr scoill lurg y vleïn 1570, as er dyn vleïn 1702 cha row ee ymyydit agh myr scoill. Va'n Scoill Ardynsee ennymoïl ry–gheddyn aynjee, as er–coontey j'ee shoh va Colleish Ree Illiam currit er bun. Hie yn scoill ghryammeydys er dooney fy–yerrey 'sy vleïn 1930.

Ve kiarit dy ragh y troggal er lhiegghey 'sy vleïn 1950, agh ren Treishteilee yn Thie–Tashtee festal sarey–freayll rish y dorrays. Chionnee yn Thie–Tashtee yn troggal ny s'anmee, as hug ad er–ash eh ayns foaynoo mie.